



EKSKLUZIV Drugi čovjek Grupacije "Sberbank" Lav Hasis za "Avaz"

Možemo pomoći BiH da više izvozi

"Sberbank BH" veoma je stabilna finansijska institucija, koja iz godine u godinu nastavlja da raste, kaže Hasis

Grupacija "Sberbank" uslužuje skoro 140 miliona klijenata u više od 20 država i, kao jedna od najvećih finansijskih institucija u svijetu, spremni smo pomoći Bosni i Hercegovini da izvozi svoje proizvode na strana tržišta, kazao je u ekskluzivnom razgovoru za "Dnevni avaz" prvi zamjenik predsjednika Uprave Grupacije "Sberbank" Lav Hasis.

Prema njegovim riječima, "Sberbank BH" veoma je stabilna finansijska institucija, koja nastavlja da raste.

Lider u inovacijama

- Rezultati su u prvih devet mjeseci ove godine mnogo bolji nego u istom periodu lani. Iako je naša banka u BiH jedan od lidera u inovacijama na lokalnom tržištu, uvijek težimo unapređenju. U skoroj budućnosti, naša banka će u BiH implementirati nove tehnologije. Razvijat ćemo nove proizvode kako za obične građane, tako i za mala i srednja preduzeća - pojasnio je Hasis.

Dodao je da je "Sberbanka" opredijeljena da podrži međunarodno poslovanje svojih klijenata.

- S druge strane, "Sberbank Europe" je univerzalna bankarska grupa s jakim naglaskom na fizička lica i korporativne klijente. Uslužujemo maloprodajne kupce u devet evropskih zemalja,



Hasis: Razvijat ćemo nove proizvode

Budućnost banaka

- Dok sam odrastao, ukoliko ste željeli razgovarati s bankarom o vlastitim finansiranjima, išli biste u poslovnicu. U današnje vrijeme, prosječan klijent vidi bankara jednom, tokom potpisivanja ugovora. S druge strane, imamo banku u Njemačkoj "Sberbank Direct", koja uopće nema poslovnica. Sve više i više

pružajući im pristupačne i atraktivne proizvode u maloprodaji. Finansiramo poslovne aktivnosti naših korporativnih klijenata. Podu-

se prelazi na online platforme. Naši klijenti mogu očekivati da će doći u poziciju gdje se sve realizira putem pametnih telefona. Stoga "Sberbank" želi nastaviti razvoj s fokusom na digitalizaciju i najnaprednije tehnologije s namjerom da osiguramo našim kupcima brze i pouzdane usluge - pojasnio je Hasis.

piremo njihov razvoj s našim regionalnim "know-how" za gradnju mostova između tržišta - istaknuo je Hasis.

Teška situacija

"Sberbank Europe", kako je on rekao, stalno povećava svoju bazu klijenata, ojačane su pozicije kapitala i likvidnosti, što omogućava rast i unapređenje maloprodajnih i korporativnih poslova na evropskim tržištima.

- Kad govorimo o ukup-

nim rezultatima Grupacije, mogu reći da su nam rezultati u ovoj godini dobri uprkos teškoj ekonomskoj i geopolitičkoj situaciji u svijetu. Naša misija je da pružamo svojim klijentima osjećaj sigurnosti i da im pomognemo da ostvare svoje snove. Uvodimo nove tehnologije i nove načine poslovanja, što daje pozitivne rezultate. Ove godine vjerujem da ćemo imati profit na nivou naših najboljih godina - naglasio je Hasis.

Dodao je da je tržišna vrijednost Grupacije više od 50 milijardi dolara, što "Sberbank" čini jednom od top 20-25 najvrednijih finansijskih institucija u svijetu.

- Sretan sam što smo uspjeli povećati svoju neto dobit za 110,4 posto u odnosu na treći kvartal prošle godine. Naš posao je potaknut snažnim rastom neto kamatnog prihoda, stabilnom i kvalitetnom aktivom te kontinuiranim poboljšanjem kontrole troškova. Naš performans u trećem kvartalu uspostavlja čvrste temelje da naš tim nastavi isporučivati dobre rezultate i u narednom periodu - pojasnio je Hasis.

Prema njegovim riječima, "Sberbank" ove godine slavi 175. godišnjicu postojanja, što ovu banku čini najstarijom u Rusiji.

- To je, ujedno, i velika odgovornost, da uvijek radimo u interesu naših klijenata. Upravo imajući tu činjenicu u vidu, srž našeg poslovanja su kvalitetni odnosi s klijentima. Trenutno "Sberbank" uslužuje skoro 140 miliona klijenata u više od 20 zemalja te je najveća banka i zajmodavac u Rusiji - zaključio je Hasis.

E. HALIMIĆ

Fudbalska reprezentacija BiH je dobrodošla u Rusiju

- Znam da su Bosanci i Hercegovci fudbalska nacija, stoga želim vašoj reprezentaciji da uspješno okonča kvalifikacije i plasira se na

predstojeće Svjetsko prvenstvo u Rusiji. I, naravno, želim vam srdačnu dobrodošlicu u Moskvu - zaključio je Hasis.